

# КМ В АЙ Г Я Л Ъ

ЛИСЕНДИ VIII-це КИЗОСЬ

ВЛКСМ-нь Мордовский  
обкомъ и Саранский  
горкомъ газетасна.Адресъ: г. Саранск, Советская ул.,  
Дом печати, Телефон № 1—60.

ПИТНЕЦ 5 тр.



ЛИСЕНДИ КОВТИ 12-ксть.

## КЕМОКСТАМС АНОКЛАФ СТИРНЯТНЕНЬ- ТРАКТОРИСТКАТНЕНЬ ТРАКТОРНАЙ БРИГАДАТНЕНДИ

СССР-нь и РСФСР-нь Верховнай Советтень депутатснот Тимирязевъ лемса сельскохозяйственной академиянь слушательницатнень производства апак тук 100 тьожань стирня-трактористкань анокламати колга призывсна мусь кели отклик советский од ломаттнень седиса. Сяс тьожатъ стирня, марямок тя обращения, оцю мялса кярмодсть тракторть эса тонафнема.

Мордовский республика производств апак тук аноклаф 227 стирня-трактористка, конат видема лиседа инголе максозь испытанятнень и получасть трактористкань звания. Нят 227 эзда, 105 ни кемокстаф тракторс и работайхть паксянь тевса. Нят од трактористкатне, ламолгофтозь минь трактористонь отрядоньконь.

Тя кизоня тундань видема республикасонк организовандафт авань 6 тракторнай бригадат. И тяни нинге 170 стирня тонафнихть трактористкакс.

Цебяръста моли тевсь трактористкань анокламати коряс Сире-Синдровань районца. Тяс аноклаф 16 стирня трактористкакс и сембонь синь мельгасть кемокстаф ни тракторхт. Районца авань каф-та тракторнай бригадат. Дубенский районца, коса аноклаф 25 трактористка, и сембонь мельге кемокстаф ни тракторхт, организовандафт авань тракторнай бригада. Тяфтажа аф кальдявста моли трактористкань анокламати и Лямбирьский районцовок. Аноклаф 10 трактористкат эзда 8 работайхть ни тракторса, организовандафт авань 1 тракторнай бригада.

Преступна кальдявста ащи тевсь трактористкань анокламати коряс Кадошкинский, Б.Березниковский, Ельниковский и Zubovo-Полянский райоттнень эса. Нят райоттнень руководителсна сязезь тя важнейшей государственной тевть. Лама корхнестъ трактористкань анокламати колга, а тевса фкявок стирня-трактористка ашестъ анокла. И тяненге тундань виде-мать пингста, ашестъ кемокста

прицепнай машинатненди фкявок стирня.

Омбоце замечательнай инициативасъ, конач заслуживает шнама, тя оцю урожайнь комсомольско-молодежной звенань организован-дамасъ. Тя инициативасъ Мордовиянь од ломаттнень седиса тяфтажа мусь кели отклик. Сембе республика колхознень эзда пуроптф 530 звена, конатнень йоткста 18 комсомольско-молодежнхть.

Лац работайхть звенатне Атяшевский районца. Вов "Парижская коммуна" колхозса Филатова ялгать комсомольско-молодежной звенац, штоба сатомс цебяръ урожай, кирдсь 60 гектар лангса лов, местнай удобрениянь (навозонь, птичань пометонь, кулувонь и лиянь) кочкама планть пашкодезе 200 процентс, семенной материалонц пачфтезе полной кондицияс, всхожестец пачфтьф 98 процентс.

Тяфтажа парста звеньевой работасъ йотни Ромодановский районца, коса организовандафт 103 звена, конатнень йоткса 15 комсомольско-молодежнхть.

Комсомольско-молодежной звенат пуроптф и Zubovo-Полянский районца. Калинй лемса колхозса Парватов ялгать звенац лац анокласть тундань видемати. Сон эсь участканц лангс келиста применил агромероприятнень, йотафнесь ловонь кирьдема и ст. тов. Но республикаса улихть нинге райотт, кода Сире Шайговский, коса аныцек 93 звенат, а комсомольско-молодежной звенаца аныцек 3; Рыбинский, коса звенань организовандама нинге афи кярмодькшнестъ.

Комсомольский организациятненди и земельнай органтиненди аф эрви лотксемс уликс сатфкснень лангс, лувомс тя областса уликс аф сатыкснень и сяда товонга мольтемс стирня-трактористкань анокламати, а аноклаф трактористкатнень кемокстамс тракторнай бригадатненди и эршина лезнемс синь работасот.

### Колхознай паксяста

(Телефон вельде)

Рузаевский район. Апрель 15-це шистонза савомок 19-це шинцы модемс сембе районть эзда сокаф 922, инзаф 565, видеф 138, культивировандаф 49 гектар. Яровизировандаф видьмода 1073 центнер, протравлендаф — 1868 центнер, тиф оземонь подкормка 18 гектаронди.

Видемаса и сокамаса инголи молихть "3-й Интернационал" колхозсь, коса видеф 47 гектар, "1-е мая" колхозса—видеф 29 гектар, "21-е января" колхозса видеф 14 гектар.

\*Ельниковский район. Сембоц

сокаф 782, инзаф 389, видеф 49 гектар.

Сяда организована и вишкста молихть паксянь тевне Каньгуш-велень "Путь к социализму" колхозса, коса апрель 21-це шинцы сокаф 123 гектар, Сире Пиченгушенъ велень "Од веле" колхозса, коса со-каф 77 гектар и видеф 7 гектархт, "19-й год Октября" колхозса видеф—9 гектархт и "Большевик" колхозса видеф—10 гектархт.

Нят колхозне выборочнай порядка видемати и сокамать эзда йотастъ ни массовайти.



В. И. Ленинъ Всероссийский субботника Кремляса (1920 к.)  
П. Васильев художникъ рисункаста

(Фото-клишесъ ТАСС-ть).

### УЛЬЯНОВСКИЙСА В. И. ЛЕНИНТИ ПАМЯТНИКЪ ПАНЖЕМАЦ

Апрель 22-це шистонза Ульяновск ошсь—В. И. Ленинъ шачема восток ульсь праздничнай. Уль-цятне мазептьфт лама флага. Зданиятнень эзда—Ленинонь и Сталинонь, партия и правительствать руководителснот портретсна.

Нинге шовдава ошень трудящайхне кармась пуромома Ленинъ лемса площадь лангс Владимир Ильичти покрывалася вельхтьф памятникъ вакс. Ровна 12 частса уставась торжествась, конач посвященнайль памятникъ панжеманцы.

Огромнай площадь лангс пуромсь 50 тьожаньшка ломань. Ку-маценъ морась тиенди волнат тундань шить лучензон каршеса.

Сась торжественнай минутась. Кярови лентась, конач кирдесе покрывалать. Штафневи родной, кельгома Ленинъ бронзовой фигурац, конач ащи 8 метрань кувал-моса пьедесталста парижский

серай гранитста. Кели площадь ланга фкя песта омба пети апак лотксек уенди "ура" ивадемась. Сембонь сельме варжафкссна ащихть величественнай памятникти.

Митингса, конач посвященнайль памятникъ панжеманцы, выступали ВКП(б)-нь Куйбышевский обкомъ секретарец Игнатов ялгась, Ульяновский ошень советъ исполкомонц председателец Погоняев ялгась. Ульяновский Якстеръ Знамяса кафксть казф бронетанковай училищай начальникоц, комбригсь Шуровсь и лиятне. Синь речсна сувафтьф лямбе кельгомоса социалистический родинати, большевиконь партия, человечествать великай генийсноты—Ленин-ти и Сталин-ти.

Оцю под"ем мархта митингонь участникне примась приветствия Ленинонь тевонц вернай продолжательницты—Сталин ялгати.

(ТАСС).

### Йотафтьф торжественно-траурнай вечер

Ковылкинский 43-це № железнодорожной средней школыса апрель 22-це шистонза йотафтьф торжественно-траурнай вечер, конач посвященнайль Владимир Ильич Ленинъ шачема шистонза савомок 70 кизонзон топодемас-нонды.

Вечерть официальной пъялкссон-

за миронь сембе трудящайхнень вождьснот, ВКП(б)-ть основоположниконц—В. И. Ленинъ эр-фонц и деятельностенц колга пут-фоль доклад, конада меле школь-никне тиендсть художественнай лама выступлений.

М. Водякова.

### Осоавиахимонь 14-це лотереять реализацияц

Ковылкинский райононь трудящайхне оцю мялса васьфтезь Осоавиахимъ 14-це лотереянц нолдаманц. ОСО-нь райсоветс получась лотерейнай билетта 12000 цалковайнь питне и сембе синь апрель 15-це шиниты успешнайста ни реализовандафт.

Ковылкинский сельпотъ работ-никонь коллективоц рамась лоте-рейнай билетта 515 цалковайнь питне, райзось—450 цалковайнь питне, Ковылкинский средний школасъ—550 цалковайнь питне,

заготзерносъ—400 цалковайнь пит-не, Воскресенско-Лашминский НСЦ-сь—135 цалковайнь питне. Нят учреждениятнень и шко-латнень эса ОСО-нь организация-нень председателсна Калинина, Кузнецов, Шушпанов и Кукушки-на ялгатне, успешна аделамок лотерейнай билетонь реализаци-ять, кочказъ билеттнень инкса сембе ярмакнень и максозь ни ОСО-нь райсоветти.

А. Абакумова.  
Ковылкинский район.



## Трудящайнъ депутатонъ районнай и велень сембе Советтненди

М. И. Калинин ялгатъ обращения

Социализмась минь страна сонк тень кемокстасонды. Синь сяськь педа-пес и бесповоротна. полафтсь советский велеть мар-нек эряфоц. Колхозне кемок-тасть. Кассть велень хозяйствань сядот тьожань пяк цебярь мас-терхт. Ламотнень синь эздот правительствася наградил социа-листический трудонь пяк цебярь образцонкса. Всесоюзной сельско-хозяйственный выставкас келиста няфтезень марнек странати, мар-нек мирти минь пефтома лама возможностеньконь, минь сембода цебярь ломаненьконь—социалисти-ческий велень хозяйствань пере-довикнень.

Колхознай стройсь тись основа велеса подлиннай культурнай ре-волюцияти. Тяни минь инголенк ащи задача—лездомс колхозниконь марнек массати передовикнень мархта фкярядс арамс. Культурна воспитательнай работась тяни эря-ви стане, кода мзярдонга ашель.

Советтнень улихть пяк оцю воз-можностьсна тьян тиемс. Минь кеме экономический базаньке, ся-дот тьожань культурно-просвети-тельной учрежденияньке—школат, изба-читальнят, клубт, библиоте-кат, культурань кутт. Ули пяк цебярь, эсь родинанцы преданнай, советский интеллигенцияньке, ко-нац энтузиазма мархта участво-вандай велеть общественной куль-турнай эряфсонза.

Минь странаньке вишкста моли инголи. Культурнай работась не должен лядондомс странатъ хо-зяйственно-политический касоманц эзда. Сяс аш кода мирендамс сянь мархта, што лама велень Советса нинге изезь машфта прошлайть позорнай наследиянц — неграмот-ность.

Аш кода мирендамс сянь марх-та, штоба трудящайнъ депута-тонъ местнай Советтне озадонь се-дихть ванольхть изба-читальнят, клубть, культурань кудть, библи-отекать кальдяв работасон лангс, афольхть заботенда синь колгаст.

Эряви тиемс сембось велень политико-просветительнай оргат-тнень—изба-читальнятнень, кол-хознай клупнень, культурань кут-

тень кемокстасонды. Синь должетт улемс уряднай, уютнай помещениясна, цебярь оборудова-ниясна, штоба колхозникне мог-ли пара мяльса культурнай обста-новкаса йотафнемс синь эсост эсь досугсон, заниматься самообра-зованияса, кулхцондомс радио, участвовандамс эсь колхознай хо-рост, оркестрасост, спектакльса.

Эряви заботендамс сянь колга, штоба эрь колхозниксь получа-даль эсь изба-читальнясост спра-вочнай столть эса раз'ясненият, от-ветт всякайнъ кизефксонь колга, ко-нат сонь волнуют, штоба тьса рабо-таляхть агротехнический и лия кружокт, тиендевольхть учите-лень, врачень, агрономонь лекци-ят и беседат, штоба тьса мож-наль лувомс цебярь книга, жур-нал, газета.

Массатнень культурна касомас-нонды пяк оцю значения кирди печатсь—книгась, газетась. Со-веттне должетт сатомс сянь, што-ба эрь изба-читальнят, колхоз-най клубть, культурань кудть улельхть цебярь библиотечкасна, улельхть обеспечендафт газетаса и журналса, штоба изба-читаль-няса тиендевольхть литературнай вечерхт, громкай читкат.

Велеса цебярь изба-читальнясь, библиотекась, клубсь — эрь Со-ветть честень тевоц. Велеть ня культурнай учреждениязонды должен улемс шарфтф депутат-тнень эрь шинь мяльсна, теест должен сембе ширде максомс под-держка и лезкс велень интеллиген-циясь.

Мон надиян, што трудящайнъ депутатонъ минь районнай и ве-лень од Советоньке, эсь йоткова соревновандазь, нюрхкяня пингста тисазь изба-читальнятнень, клуп-нень, культурань куттнень велеса подлиннай культурнай очагокс, лездыхть неграмотность инь ма-ластонь пингть машфтоманцы—пяшкодьсазь тьян мархта избира-тельхнень инголе синценъ свя-щенной обязанностьсон.

М. И. Калинин.

1940 кизонь апрельть 13-це шистонза.

## ИСКУССТВАНЬ МАСТЕРХТ, КЯРЬМОДЕДА ИДЕНЬ ТВОРЧЕСТВАНЬ ОЛИМПИДАТИ АНОКЛАМА ТЕВТИ!

ВЛКСМ-нь ЦК-ть Х-це плену-монц решениянц коряс Москуса 1940-це кизонь август коьста йо-тафтови идень творчествань Все-союзной олимпиада.

Максомс активной лезкс комсо-мольский организациятнень олим-пиадатъ йотафтоманцы анокла-маса, нинге сяда пяк малаткстоп-томс искусствать школатъ марх-та—искусствань эрь работникть почетнай задачац.

Кинди аф содаф касы поколе-ниянь воспитанияса искусствать огромный ролец. Минь иденьконь аф азомшка оцю потребностьсна литературати, цебярь морти, це-бярь спектакольти, фильмати. Но-ся, мезе тиендыма тейст тяниень пингти самс, пяк кржа.

Художникнень задачасна аф лоткси иттненьди анычек произве-дениянь сьормадомать лангс. Минь прямой обязанностьньке—вятемс и касфнемс идень самодеятельность. Иттненьди эрявихть пьесат, морхт, конатнень мархта лисельхть ба олимпиадав. Тейст эряви лезкска школаса, художественнай воспи-таниянь кудса и клубса мастерть ширде.

Минь тернесась искусствань и литературань работникнень ак-тивна кярьмодемс идень творчест-вань Всесоюзной олимпиадати анокламань тевети.

Драматургт, писательхть, поэтт, композиторхт! Тиеда полноценнай репертуар иттненьди, организова-дасть и возглавляйте литератур-най, музыкальной, хоровой и тан-цевальной кружокнень.

Режиссерхт и артистт! лездода иттненьди спектакльнъ путомаса, коллективной и индивидуальной тан-ценъ организовандамаса и синь тонафнема тевоост.

Минь тернесась художникнень и скульпторхнень тиендемс иттне-ди эсь работасон эзда выставкат, азондомс иттненьди эсь творчест-васон колга, лездомс юнай ху-дожниконь и скульпторонь выстав-

кань тиемаса и вятемс руководст-ва нят кружокнень и студиятнень мархта.

Советский искусствань мастерх-неньди эряви мумс идень художес-веннай творчествать мархта руко-водствань инь разнообразнай фор-мат, а эсь творчествасост—инь вдохновеннай мыслят, глубокай чувстват и яркай краскат.

Идень творчествань Всесоюзной олимпиадась кармай улема радост-най праздникокс аф анычек итт-неньди, но и сембе советский ис-кусствати. Соннинге вестъ няфть-сы сембе мирти коммунистичес-кий партиять и советский прави-тельствать оцю заботанц минь иденьконь колга, арай художествен-най самодеятельностьсяда товол-донь касомасонза этапокс.

Минь надиятама, што советский искусствань мастерхне примасазь минь призывоньконь.

СССР-нь народнай артисттне:

А. ЯБЛОЧКИНА.

А. ТАРАСОВА.

А. АЛЕКСАНДРОВ

С. САМОСУД.

С. МИХОЭЛС.

РСФСР-нь народнай артисттне:

А. ГОЛДЕНВЕЙЗЕР.

Р. СИМОНОВ.

Искусствань заслуженнай дея-тельсь

И. БЕРСЕНЕВ.

РСФСР-нь заслуженнай артист-тне:

С. ГЛАЦИНТОВ.

С. БИРМАН.

С. ОБРАЗЦОВ.

Профессорсь-орденоносельс

Д. ОЙСТРАХ.

## Идень творчествань олимпиадати

Ковылкинский 43-це № железно-дорожной средней школань уче-никне активна аноклайхть идень творчествань Всесоюзной олимпи-адати. Тьса самодеятельностень сембе кружокнень эса занятияне йотафневихть пяк аккуратнайста.

Хоровой кружоксь, конань воз-главляет 9-це классонь ученицась-отличницась Саврасова ялгась, олимпиадати аноклай лама морхт, кода: „Песня о Сталине“, „Крым-ская дивизия“, „Песенка новых бойцов“, „Калинка“, „Калинушка“ и лама лият.

Школаса аф кальдявста рабо-тай народнай инструментонъ ор-кестрсь. Тя кружоконь участник-не тяфтажа олимпиадати анок-лайхть лама морхт. А физкуль-турнай кружоконь участникне тона-фнихть лама пирамидат и лия физкультурнай номерхт.

Тяда башка школань самоде-ятельностьсь аноклай лама инди-видуальной номерхт.

М. Водякова.

## Значкистонъ анокламась


Посопский средняя школаса шарфневи оцю мяль оборонно-физкультурнай работать лангс. Тьса пцтай сембе тонафнихне ОСО-ньчленкс.

ОСО-нь организациясь аноклась 312 обороннай значкист.

Аф кунара ПВХО-нь и ВС-нь кру-жокне йотафтсь зачетнай заня-тият, конатнень пингста 45 ло-мань максозь ня значокненьди нор-матнень.

А. М.

Саранский р-н.



Кировъ лемса культурань кудса (Мурманск) панжевсь „Советское Заполярье в живописи“ выставка, конац посвященный Мурманскть интервенттнень эзда 20-це кизонц освобожденианцы.

СНИМКАСА: А. М. Любимов художникъ картинац „И. В. Сталин, К. Е. Ворошилов и С. М. Киров ялгатне ТЭС-ть стро-ите.льстваса Мурманскийса 1933 кизоня“.

(Фото-клишесъ ТАСС-ть).



# ВАСЬФТЬСАСЬК МАЙТЬ 1-це ШИНЦ ДОСТОЙНАЙ ПОДАРКАСА

## ПРАЗДНИКТИ АНОКЛАМАСЬ

Ковылкина. Ковылкинский районца организовандафт ПВХО-нь 2-це ступенень значокти нормань максомат коряс инструкторонь анокламань курст. Аф кунара курснень эзда нолдафт районнь школатненди и колхозненди 16 инструктор.

Курснень мархта руководства вятсь ОСО-нь райсоветть инструкторонза Пролетарский ялгась и Мария Николаевна Назилова. Назилова ялгась организовандась ОСО-нь 2 од первичнай организацият, конатнень эзга аноклавихть Майнь 1 це шинсты значкист.

Рузаевка ошса осоавиахимонь райсоветть председателец, орденоносець Уколов ялгась лац ладзе оборонно-массовой работат осоавиахимонь 14 лотереять реализацияц эса.

Рузаевка ошсь марнек аделазе осоавиахимонь 14-це лотереять реализацияц апрельть 19-це шистонза.

Районнь „Коллективный труд“ артелен осоавиахимский организациясь кафтонь крда касфтозе 14-це лотереянь реализацияса планть. Тяс лотерейнай билетта реализовандафт 1.900 цалковайн питне.

Ромодановский районнь осоавиахимский организацияса председателець Назаров Василий Ивановичь Майть 1-це шинцы аноклась ПВХО-нь 24 инструктор. Тяда башка школса производстваста апактук аноклавихть лама инструкторхт. Курснень мархта руководства вяти Луканев ялгась и ПВХО-нь инструкторсь Назаров ялгась.

Активнаиста йотафтфт осоавиахимонь 14-це лотереять реализацияц Атяшевский районнь осоавиахимский первичнай организациясь. Райисполкомонь ОСО-нь организациянь четтне рамасть 450 цалковайн питне лотерейнай билет. Батяев М. И. ялгась сьормафтсь 60 цалковайн питне лотерейнай билет, Табаевась—50 цалковайн питнес. Зазыгин.

## Майть 1-це шинц честьс

Саранск ош. Махорочнай фабрикань рабочайхне и работницатне, сембе кода фкя, фатяфт производственной оцю энтузиазмаса.

Рабочайхнень и работницатнень эзда кажнайсь эсь лангозонза сьавф обязательствать пшкodemанц инкса тюри большевикокс. Кепотьксонди, набойнай машинань машинисткась Бурнайкина ялгась эрь шинь производственной норматнень пшкотькшнесыне 120-130 процентс, а крошильной машинань машинисткатне Волосевич и Филмонова ялгатне эсь лангозост сьавф обязательстватнень пшкотькшнесазь 125—140 процентс.

Тяда башка тьса цебарьста ладяф рабочайхнень культобслуживаниясна. Беседчикне Котова, Никифоров и Банникова ялгатне рабочайхнень йоткса сидеста йотафнихть беседат и морафнихть газетат, конатнень пингста эрь рабочайсь цебарьста знакомонакши родинаньконь международнай положенианц мархта.

Дм. Р.

## Подаркат праздникти

Од Выселкань средний школань ученикне Майнь 1-це шить васьфтьсазь тонафнемаса отличнай показател мархта.

Общев Максим, Савкин Михаил и лият лац тонафни ученикне лездыхть калдявста тонафни ученикненди, штоба Майнь 1-це шить самс афоль уль фкявок калдявста тонафни.

Тяда башка ламоц ученикне максомь норматнень ПВХО-нь, ГСО-нь и ВС-нь значокненди.

В. Общев.

Зубово-Полянский р-н.



Орденоноснай „Ленфильм“ студиясь пути звуковой художественнай фильма школьной эряфста „Приятели“. Режиссерсь М. Кавронский. СНИМКАСА: Ванечка (артистсь В. Никитинць) компаната сценасть. Ванечкась азонды ялганзонды часовой механизмат действиянь принципонзон колга. (ТАСС-ть фото-клишец).

## КОЛХОЗНИКНЕНЬ КАЗНЕСНА

(Телефон вельде)

Тя кизоня Левжа велень „1-це май“ колхозсь тундань видемати кярмодсь пяк анокста и организованнайста.

Колма шинь работатнень пингста, апрельть 19-це шистонза сьавомок 21-це шинцы модемс, колхозсь сокась сембоц 84 гектар и видесь 59,5 гектар сьора.

Тундань видемаца цебарь результатт няфнихть 1-це и 4-це бригадатне, конат работань васень шитнень сокасть 40 лама гектар.

Плугарьхне, сеяльчикне и бороновальчикне тюрихть оцю воодушевлениясь тундань видемати нюрхкия пингста и цебарь качества йотафтоманц инкса. Лама плугарьхть и сеяльчикт тундань работаса шинь норматнень пшкотькшнесазь вельф.

Сембе бригадатнень эса йотафтфт общей собраният, коса колхозникне фкакс азозь эсь мяльсон, што синь 730 гектаронь размерса ранний культурань сьоротнень 100 процентс видесазь международнай солидарностень шити—Майть 1-це шинцы.

Киржаев.

Рузаевкань район.

## Майть васенце шинцы

Малаткшни пролетарский солидарностень праздниксь—Майнь васенце шись. Ошса учрежденианень, предприятиянень и школатнень эзга моли оцю аноклама работа. Тяфта Саранск ошень типографиясь производственной подаркада башка аноклай колоннаса модеманди морхт. Эрь шинь обеденнай перерывста коллективна морсхть „Партизанская“ и „Конармейская“ морхнень. Коллективный моронь тонафнемаса руководства вяти Гетманчук ялгась.

А. Обманкин.

Саранск ош.

## ОБРАЗЦОВАЙСТА ЙОТАФТОМС ВИДЕМАТЬ

В. БОБЯТИНСКИЙ,

ВЛКСМ-нь ЦК-ть крестьянский од ломанень отделонц заведующайц

Тяни минь странаньке кярмодсь народнохозяйственной важнейшей кампаниять разрешенианцты—тундань видемати. Южнай райоттне кунаркиге ушедозь паксянь тефнень. Кой-конатне синь эздот аделазь ни зерновой культурань видемати. Видемась ушедсь сембе Советский Союзть эзга. Тя важнейшей задачать разрешандамаса оцю ролец комсомолть.

Колхозонь, совхозонь, МТС-нь комсомольский организациятнень и эрь комсомолецть мялец эрви шарфтомс сян лангс, штоба лездомс партийнай организациятненьди, колхозонь и совхозонь руководителхвенди большевикокс йотафтомс видемати.

Особай ответственность прашенды колхозонь комсомольский организациятнень лангс тоса, коса аш партийнай организацият. Тоса комсомольский организациятне должетт отвечаемс партийнай директиватнень эряфс йотафтомасон инкса, должетт обеспечиндамс эсь колхозост видемати образцовайста йотафтоманц.

Тядень видемати задачанза громаднахть. Сатомшка азомс сян колга, што лама областсь, крайса, республикаса лама колхоз, совхост сьавть эсь лангозост обязательства тюремс эрь гектарста сяда пуд зернань урожайнкса. Сяда пуд урожайть инкса соревнованиясь няфнесы васендакиге сембе бригадат, сембе колхозникнень трудти добросовестнай отношениясн, бригадат мельге кемокстаф сембе посевной площадтнень лангса передовой агротехникат примененияц инкса тюремат. Штоба получамс сяда пуд сьора эрь гектарста, эрви ламоси упорнайста работамс, эрви большевикокс анокламс видемати, образцовайста йотафтомс видемати.

Социалистический земледелиянь стахановецонь лама лувксса отрядть работань опытоц корхтай, конашкава оцюфт минь возможностеньке, штоба получамс оцю урожай. Кинди аф содаф тяни оцю урожайнь мастерхнень лемсна—Ефремовть, Кострикина комсомолкат, конат Сибирень условия

получасть урожай 500-шка пуд гектарста. А мзяра оцю урожайня передовикта, мзяра отта и интереснайда сувафтсь синь эсь трудност агротехникань сире норматненди.

Задачась ащи сян эса, штоба тонафнемс передовикнень опытсон и распространядамс сонь колхозниконь сембе массат йоткса.

Замечательнай инициатива вьяфтсь Ленинградский областень Демянский районнь комсомолецне. Синь организовандасть колхозненди стахановский опытонь школат. Стахановский школатнень эса занятият йотафнихть велень хозяйствань передовикне аф анычек эсь колхозост, но и районнь и областень лия колхознень эзга. Стахановецне велень хозяйствань специалисттнень лезксон вельде максесазь эсь производственной опытсон, азонкшнесазь колхозникненди, кода синь получахнихть оцю урожай и няфнесазь эсь трудонь методсон практический работаса.

ВЛКСМ-нь ЦК-сь рекомендовал комсомольский организациятненди использовандамс Демянский районца стахановский школань организовандамань положительнай опытть.

Комсомолецне должетт няфтемс паксяса стахановский трудонь кепотькст, лездомс видемати образцовайста тракторонь, алашань анокламаса, заботендамс паксяса предстоящай массово-политический работат колга.

Башка эрви арьсемс специальность коря трактористтнень работас кемокстамасон колга. К сожалению лама областеват, крайге (Алтайский, Новосибирский, Татарский АССР и лама лият) апак кемокстакт работас аноклаф трактористкатнень оцю лувкссна. И тя ся пингста, мзярда нят областнень эса аф сатнихть трактористтне. Мирендамс тяфтама положениать мархта аш кода.

Тракторхне должетт работамс апак лотксек. Заботендамс тракторнай паркть трактористса обеспеченияц колга, максомс теист условият кафта-колма ковань работанди, организовандамс трактористонь социалистический соревнованиять—комсомольский организациятнень почетнай тевсна.

Корхтамок тракторть пяк оцю значенияц колга, аф эрви юкснемс алашать колга. Алашать хозяйственнай и обороннай значенияц сембонди содаф. Но аф ваномак тянь лангс, кой-кона колхознень эса живой тягась игнорировать. (Полатксоц 4-це стр.).



## НАРКОМПРОСТЬ ПОЛИТПРОСВЕТУПРАВЛЕНИЯЦ МЯЛС

Изва-читальнясь или колхознай клубсь—тя велеть культурнай центрац. Сонь эсонза должетт в основном йотафнемс трудящайхне эсь культурнай досугснот. Норес-публикаса лама велева нят культурнай учреждениатне лангозост путф задачатнень аф пшкоть-кшнесазь. Тянь колга минь редакцияньке эрь шиня получахши лама сьормат. Вов мезе тянь колга сьормадыхть велетнень эзда.

\* Ельниковский район. Сире Кангуш велеса избачекс работай Сидоркин Павел Тимофеевичсь. Сон населениять йоткса кодамо-вок массовой работа аф вяти. Изба-читальнять панчсесы случай-ста-случайс.

Кирдяев.

\* Рузаевский район. Левжа веле-са ули аф калдяв изба-читальня, но сонь эсонза ашезь йотафнев и афи йотафневи кодамовок работа. Велисполкомть председателец Уч-ватов ялгась аф шарфни изба-чи-тальнять лангс кодамовок мяль. Сон тялоньбериф вльне фкявок усф пенге ашезь макссе изба-чи-тальнять уштомс.

Колхозсь лиссь ни видема, а

избачсь Волгутов ялгась колхозни-кень культослуживанияснон колга мезевок афи думандай.

Адмакин.

\* Ковылкинский район. Ежка ве-леса нинге 1936-це кизоня строяф замечательнай колхознай клуб. Клубти заведующайкс путф ком-сомалецсь Козеев ялгась. Но мзяр-да тят моль, клубть кенькшса повфтаф эфтярь сяшка замок. Велень од ломатне эсь культур-най досугснот йотафнесазь коса повсь.

Велисполкомть и сонь пред-седателец Морева ялгать тяфтама положениясь колхознай клубть мархта йофси аф беспокоиндаш-несы.

Лазарев.

Редакциять эзда.

Редакциясь лувсы, што изба-чи-тальнятнень эса тяфтама положе-ниясь лисенди велисполкомтнень и РОНО-тнень калдяв руковод-стваснон сюнеда. И веши Нарком-прость политпросветуправленияц ширде вмешаться и примамс эря-викс мерат нят велетнень эса политпросветработать ладямаса.



Сире Синдровань райононь комсомолецне, примосихть активной учас-тия Ефремовский звенань организовандамаса.

СНИМКАСА: (кержи ширеста види шири) П. И. Леveckов, 3 решающий год пятилетки\* колхозонь бригадирсь, П. И. Родькинц Дмитрий лемса колхозть председателец, «Светлый путь» колхозть звеньеводоц М. И. Тямкинц и ВЛКСМ-нь райкомть секретарец Т. П. Головановась. Фотось А. Ивановть.

## ОБРАЗЦОВАЙСТА ЙОТАФТОМС ВИДЕМАТЬ

вандакшневи, а ВЛКСМ-нь обком-тне аф вятихть решительнай тю-рема сельскохозяйственной произ-водстваса алашать ролевц и зна-ченияц недооценкаснот каршес.

ВЛКСМ-нь областной и краевой комитеттненьди эряви примамс сем-бе мератнень сянди, штоба кол-хозонь и совхозонь комсомольский организациятнень инициативаснон направить паксянь работатненьди алашать образцовайста анокламанц инкса тюремат.

Сянь колга, кода лама могут тиёмс комсомольский организаци-ятне корхтай тяфтама простой ке-потьксь.

Смоленский областсь Галинов-ский райононь Майть васенце ши-нц лемса колхозса алашатне мзяр-донга ашесть чистендакшневи. Сянь ашесть плманжа видьге кель-ме наземса, якшама кардса. Кор-мась расходовандакшневи учет-фтома. Но кодак аныцек комсо-мольский организациясь кярмодсь алашатнень мельге ухотть лангса контрольти, положениясь куро-кта полафтсь: наземсь пирьфста ульсь ускф, комсомольский бри-гадаф урядзе кардть, организо-вандаф учет кормать расходова-нияныцты.

Эряви отметить инициативас-нон кой-кона комсомольский орга-низациятнень, конат тисть пока-зательнай картт. Но такя пингть эряви ванфтомс пря эльбятксь эзда, мзярда сембе работать ти-ендсазь аныцек тя показатель-най кардса и юкснесазь хозяйства-са сембе лядыкс алашань пого-ловьять. Образцовай карттнень за-дачасна ащи сянь эса, штоба тя карттнень работань цебарь обста-новкань образецснон распростра-няндамс сембе хозяйства.

Эряви тяникиге арьсемс кизеф-ксть видема пингста алашань ан-домать колга, повозкань, сбруйнь ремонтть колга, сянь колга, кие кармай работама алашаса, кие кар-май сонь андомонза.

Колхозонь комсомольский орга-низациятне лама должетт тиёмс паксяса, агрегатса эрявикс поли-тико-массовой работать обеспече-нияц коряс. Колхозонь, совхо-зонь комсомольский организацият-не должетт улемс агитаторонь, чтецонь, беседчиконь, аноклаф коллективсна, тиёмс беседань, читкань план.

Изва-читальнятненьди, краснай уголокненьди эрявихть обслужи-вандакшневи тундань видема

## СКАНДИНАВИЯСА ВОЕННАЙ ДЕЙСТВИЯТНЕ

Кода пачфнихть Лондонца, тя-ни английский частьтне примос-ихть участия Норвегиять восточ-най районзон эзда операцият-нень эса. Норвежский войска-тне пуромфт Стенкьеру, коса сянь ла-дять контакт англо-французский вийхнень мархта. Норвегияса ан-глийский и французский экспеди-ционный действующай войска-тнень марстонь лувкссна определянда-кшневихть 3-й дивизиянь или 50 ты-сячнь ломанень размера.

Намосьть района ушедсть бойхть германский и союзникнень войскаснот йоткса. Немецне тя-районти самолет лангса йордасть подкрепления.

Шведский печатть сведениязон-коряс, Нарвику военной подкре-пления мархта састь германский ла-ма транспортной самолетт.

Германский информационный бю-рошь пачфни, што Ослать эзда се-вернай и северо-западной ширеса молихть бойхть норвежский часть-тнень мархта. Норвежецне ульсь йордафт. Тянь пингста германский войска-тне занязь Гевикть и Мил-лихаммерть.

Германский истребительнень со-единениясь успешнайста керозе ан-гличатнень сембе попыткаснон валхтомс десант Намосьть и Онда-лсность окрестностензонды Сянь тапасть вокзалхнень, конатнень сивондезень неприятельсь. Англий-ский эсминец и кафта торговой па-рохотт получить повреждения и ваясь. Хамарть района герман-ский авиациясь лездсь неприя-тельсь сопротивленияц синдеман-цы и срафтозень железнодорож-най линиятнень, конат ульсь про-тивникть кядьса.

\* \*

Германский «Цвельфурблат» га-зетась сьормадь, што норвежский берякнень ваксса 12 шинь тюре-мать пингста Англиясь имафтсь: 4 линкорхт, 2 линейнай крейсерхт, фкя авионосец, 4 стака крейсерхт, 10 тыжда крейсерхт, 12 эсминец, 13 подводнай лодка, 29 самолет и 15 транспортной судна. Сянь эздост 60 единицатне йофси маш-ффт, илядыхне получить стака и тыжда повреждения.

(ТАСС).

## США-сь ЕВРОПАСА ВОЙНАТЬ КОЛГА

Сянь коряс, кода Европаса воен-най пожарсь примоси сяда грозной размерхт, Американь Соединеннай Штаттнень эса сяда кайгиста ма-рявихть вайгялхть, конат пропа-гандируют войнас странать тарга-манц колга. Толть мархта тяналх-ксемась, конань ушедозь капита-листический заправилатне, мушен-ды сочувственной поддержка Аме-рикань правящай крукнень ширде. Аф кунара США-нь президенть Рузвельт, азомок радио вельде приветствия «Молодежнай демок-ратический клупненьди», азоге мя-ленц пак откровенна, хотя и са-томшка туманнай формаса. Сон мяргсь, што аф максси совет кирь-немс ся взгляттнень ширеснон, бта «США-ти аф эряви тиендемс попыт-ка обеспечендамс лучшей, безопас-най порядок и всеобщай мир, мзяр-да тянди сай время». Рузвельтть-тяка жа мыслянц, но горазда сяда-яснайста азоге американский газе-тась «Нью-Йорк геральд трибюн». Апрельть 14-це шистонза сон сьор-

мадсь, што США-ти эряви лувом-домс возможность улемс вынуж-деннайкс примамс участия война-са, сяс мес тейнза тя ащи эсь ин-тересонзон араламаснонды фкя спо-собокс.

Газетась, разумеется, ашезь сьор-мад сянь колга, што тя «возмож-ность» улемс вынужденнайкс» во-явамс аф ащи аф йотавомшка кяжкс, конань продиктовандазь события-нень молемасна. Странать ряфце-сы войнас капиталистонь кучка. И кодама ба мазе фраза алу афольхть кяшенде войнань прово-каторхне, трудящайхне иди содаф, што оружияти призывсь тиф йоф-си аф ся мяльть мархта, штоба араламс странать национальнай ин-тересонзон. Йотай империалисти-ческий бойняса США-ть участияц йофси ашезень убава Америкаса ницайхнень. Меклангт—нинге сяда лама арась доляфтомда и калекада.

США-нь трудящайхне аф йо-райхть максомс пря военной аги-тацияти. Правительствать войнать мархта сотф мероприятизон кар-шес действиясь примоси сяда ре-шительнай характер. Аф кунара ульсь «Ломатнень благосостояни-яснон инкса тюремань омбоце юж-най конференциясь». Сонь эсонза ульсь 1000 делегат Американь юж-най штатонь профессорхнень, од ломанень и лия организациятнень эзда. Конференциясь лама резолю-цияса корхтась любой воющай странати займань максомать кар-шес, резка осудил крупной военной расхоттнень, конат ашихть ущер-бокс американский народть благо-получияныцты, и вешсь примамс закон военной спекулянттнень кар-шес. Конференциясь тяфтажа вешсь, штоба касфтомс лездсь безработ-найхненьди, сезоннай сельскохозяй-ственной рабочайхненьди, касфтомс пенсиятнень сире ломаттненьди, лоткафтомс профсоюзонень пресе-дованияснон, ваномс оду и машф-томс аф справедливый налогнень, конат лишаандакшихть вайгялень правда 10 миллион ницайготф не-гра и акша ломань.

(ТАСС).

Ответ. редакторть заместителец  
И. ЧУДАЙКИН.